

Cogitationes, Sive Considerationes Christianae Pro singulis Anni diebus

Complectens Januarium, Februarium, Martium

Nepveu, François

Monachii, 1709

Dies 4. De peccato mortali. De odio, quo Deus illud prosequitur.

[urn:nbn:de:hbz:466:1-60495](https://urn.nbn.de/urn:nbn:de:hbz:466:1-60495)

pro singulis anni diebus.

9

Sinat in illo negotio, è quo nostra pender *Januarius*,
æternitas? Languor iste tranquillitas non
est; sed sopor, immo Lethargus. An expe-
ctabimus, dum in morte evigilemus?

Probè percipiamus, omnia alia negotia curam
aliquam mereri posse, sed nullum esse præter nego-
tium salutis, quod solicitudinem nostram merear-
tur, atque in hoc unico amore nostri ipsorum ju-
stum esse, nec nimis ardenter esse posse.

Quæ enim seminaverit homo, hæc &
meret. Gal. 6. v. 8.

Nulli parcas, ut soli animæ parcas. Hieron.

DIES IV.

De Peccato mortali.

De odio, quo Deus illud prosequitur.

I.

NEmo peccatum committeret, si id per-
fectè cognosceret. Perfectè id cog-
noscere sufficit ad infinitum ejus odium ho-
mini ingenerandum. Verum, ut id per-
fectè cognoscatur, necessaria est perfecta
cognitio DEI. Majestas DEI unica est
mensura magnitudinis, & malitiæ peccati:
nam quemadmodum DEUS supremum bo-
num est, sic peccatum supremū malum est:
nec DEUS magis est amabilis, quam peccatum
est odiosum. Imò DEUS ita peccatum odit,
quan-

Januarius.

quantum se ipsum amat; atque eadem rationes, quae DEUM impellunt ad se amandum, eum quoque impellunt, ad peccatum odio prosequendum, veluti sibi infinitè oppositum. An non & ego eadem habeo rationes DEUM amandi? An non eadem habeo, odio in peccatum ardendi? quānam ergo ratione fieri potest, ut illud amem?

II. Amor, quo DEUS se ipsum amat, & causa, & mensura est odij, quo in peccatum fertur: adeoque sicut DEUS se amat amore æterno; nec momentum ullum fuit, quo se non amaverit, sic peccatum odit odio æterno, nec ullum fuit unquam momentum, quō illud non oderit. Quemadmodum se amat amore tam necessariō, ut ab amore sui desistere non possit, quin DEUS esse cesseret, sic peccatum odit odio tam necessario, ut ab ejus odio desistere non possit, quin DEUS esse cesseret. Quemadmodum DEUS se amat amore infinito, ita, ut magis amare se non possit, quam se amet; sic peccatum odit odio infinito, ita, ut illud magis odiisse non possit, quam oderit. Quid? DEUS peccatum odit odio æterno, necessario, infinito; & ego id amare possim? DEUS peccatum odit, quia se ipsum amat. Unde go, quia peccatum non odi, Denm non amo.

amo. Et quoties peccatum amavi? An Januarius.
non etiamnum illud amo?

III. Quidnam incitare DEUM potest ad
hoc odium æternum, necessarium, infinitum,
quo peccatum aversatur, nisi ira quæ-
dam huic odio respondens, desiderium se
vindicandi æternum, necessarium, infinitum.
Et quo usque vindictas suas non
extendat ira odio tam vehementi animata,
atque infinita potestate suffulta? Et sic
odium non formidamus, & peccatum, quod
nos tam horrendis iræ Omnipotentis effe-
ctibus exponit, non avertamus? Et illud
non vitamus? immo potius amamus; & quo-
tidie committimus? quanta cæcitas! Et ve-
rò, an non nos ipsos odius, dum peccatum
non odius, quod Deus infinite odit, &
quod nosmetipso odij divini, ejusque ter-
ribilissimarum vindictarum scopum facit?

Conemur nobis persuadere, quod sicut DEUS
nihil odit, nisi peccatum, sic nihil sit, nisi peccatum,
quod odisse debeamus, immo quod satis id odisse non
possimus. Petamus frequenter à DEO, ut nobis
ostendat, quid sit peccatum; cum hoc certum sit
medium, id odio prosequendi & vitandi.

Odio sunt DEO impius, & impietas ejus.
Sap. 14. v. 9.

Parum tibi esset, quod essemus injustus, nisi
cum

Januarius.

eum iniustum esse voluisses, à quo in te vindicari noluisses. Aug.

D I E S V.

De Peccato veniali.

I.

PECCATUM veniale, tam est offensia DEI, quām mortale; sed minor. Id, quod peccato convenit mortali, covenit & veniali; sed alia ratione. Atque hinc conficitur, si peccatum mortale quidam contemptus est Majestatis divinæ, peccatum veniale esse defectum reverentiæ erga illam: si illud est odium contra Bonitatem hanc infinitam, peccatum veniale esse defectum amoris in eandem: Si primum est rebellio adversus supremum hunc Dominum, alterum esse submissionis defectum: Si primum Creatori præhabet creaturam, alterum creaturæ præstare obsequium, cum imminutione illius, quod Creatori debetur: Si primum est jactura charitatis, alterum esse ejusdem remissionem, quæ sensim ad hanc jacturam ducit: Si primum est legis violatio, alterum ejusdem esse neglectum. Si primum est aberratio à fine ultimo, alterum esse deflexum, qui non raro ad aberrationem perducit.

II. Pet-